



空同先生集卷第二十三

北郡李夢陽撰

詩 五言律詩一百首

大禮一十四首

郊觀齋居東邊喬二太常

郊壇值雪

西天門候祀

恭陪郊祀紀成

郊祀以病不與

臥病酬邊君天壇步月見懷之作

大行皇帝挽詩二首 候輓

望 泰陵

謁孔廟

壇祀酒會

益王頌



懷古一十七首

驪山

橋山

瓠子

朱遷鎮

朱遷鎮廟

峴山

鹿門山

冬日仁和門外二首

令婆墳

始謁徐祠

徐墓書張相國碑銘

陳祠在徐墓東

韓文公祠

武陵郡公祠

徐蘇二祠

鵝湖書院

遊覽六十九首

經長安詣黃花鎮

白洋城

至黃花

銀山寺

出塞二首

環縣道中

寺

繁臺春望

繁臺別業

高遠亭

詣別業

登盤山頂顧望三湖

中湖寺二首

南湖

北望畏雨不至

下南湖

曉行雲夢澤

劉家隔

浮漢

浮江

九江

發九江

豐安庄

圓通寺阻雨



圓通寺阻雨聞石門礮橋斷水湧阻往東林

五老峰

再至洞院

迴流山亭

折桂寺

團山登望

芝山望

芝山寺感事

龜峰

泊安仁

鉛山

明遠樓春望

市汊夜泊

豐城夜泊

舟往臨江即事

雨泊豐城

夜行時江

赴新喻

自進賢趨撫州

雲山遊

玉峽驛夜泊

白沙驛

宜春臺春望

澗富嶺赴安福二首

鬱孤臺

曉至鄔子驛

再至玉虛觀

仙樓

謝岩秋日始集

秋望

古城春望

東陂秋泛三首

與駱子遊三山阪三首

上方寺鐘樓

上方寺鐘樓晚登

春晴野寺和李大

城南夏望和王相國

春日臺寺

大禮一十四首

郊觀齋居東邊喬二太常



人日過仙院春霞縹緲分碧回瑤澤草紅綻藥宮雲  
獨處依松對清齋對鶴羣桃源知並入惆悵不逢君

郊壇值雪

鳳輦連宵發雞鳴雪滿畿嚴隨黃鉞至清繞翠華飛  
伏謁深沾珮朝回半濕衣懸知清切地冲默迓天威

西天門候祀

瑤壇暮雪盡月出禁門西地靜鳴珂碎沙寒簇仗低  
臺官移斗柄衛士掃雲梯遙識龍文氣爭傳法駕齊

恭陪郊祀紀成

御氣三更合君王在闕宮燎煙凝碧落墀月起微風  
上帝居歆夕文王陟降中諸壇嚴從暮元祀報成功

侑食珪璋潔登歌玉磬同神旋仍醉飽萬舞向春空  
郊祀以病不與

端月溫風至圓丘瑞霧多開壇洽百禮伏枕想登歌  
日月春旂閃雷霆晝輦過年年覲上帝只爲乞民和

臥病酬邊君天壇步月見懷之作

霽夕開芳甸祠官悵獨遊銀潢橫殿落壁月抱壇流  
漢時饒煙霧秦城逼斗牛甘泉詞調絕疲病若爲酬

大行皇帝挽詩三首

弘治十八年五月

午門朝遂罷西殿臨真哀淚滿乾坤暮日黃風雨來  
虎賁猶宿衛龍馭幾時迴莫測皇天意中崩帝業摧



大訓文華踐英謀武範遺先朝無顧命大漸問班師  
上食金輿備移宮素幔垂向來激切疏優渥小臣知

三

元老炯仍在退朝無昔呼聞階惟玉輅夕日已金鋪  
望幸霓旌遠埋靈山殿孤君看霜露節冠冕灞陵趨

候輓

冬月初圓夕含悲候輦東閣門猶警蹕松柏已新宮  
象衛悲風入龍旂白霧中有髯渾欲挽雲墮鼎湖弓

望 秦陵

昔臨園西內悲風入紫冥今來松柏望斜日秦陵青  
殿起雲煙入龍遊劍璽局萬國今多難孤臣涕倍零

謁孔廟

端笏陪朝列時禋謁聖林戟門留石鼓春殿靜珠棊  
奎府星連切壁池龍躍深詵詵趨國子早晚翠華臨

壇祀酒會

齋居新宴合桂裏戟門開鴈赴龍旌到蛩喧羯鼓催  
松筠分曙色劍珮接行杯日上雲霞散驂驪羽騎迴

益王頌

憲宗王十子益府實稱賢體統朝廷半敦崇德業全  
書堂斜晝日棊殿淨秋烟問寢還英嗣時研世子篇

懷古一十七首

驪山



繡嶺花仍繡湯泉滿故宮禁池人自浴新月古應同  
玉殿興亡後青山涕淚中千岩歌吹入猶想翠華東

橋山

青宮棲古岑白露靜松林忽下烏號淚遙悲龍去深  
衣冠萬國後轍跡四方心一氣流羣帝哀哉笙鳳音

瓠子

沈璧餘瓠子橫汾懷帝歌波濤滿眼送城郭沒年多  
虎戰仍三晉龍遊失九河宋人饒事蹟今望亦滄沱

朱遷鎮

水店回岡抱春湍滾白沙戰場猶傍柳遺廟只棲鴉  
萬古關河淚孤村日暮笳向來戎馬志辛苦爲中華

朱遷鎮廟

宋墓莽岑寂岳宮今在茲風霜留檜栢陰雨見旌旗  
百戰回戈地中原左衽時土人嚴伏臘偏護向南枝

峴山

大名終不滅墮淚此山碑後進才非乏風流爾足師  
古堂陰漢水新路改城池回首隆中接秋雲兩處垂

鹿門山

龐公真漢隴孟子復唐詩舊宅新秋葉孤墳千載遺  
杲裊石穴細葛倚松門垂望望青峰近吾襟曠爾期

冬日仁和門外二首

寂寞何王殿遺墳此徑孤玉階畚雪草野日自金鋪



廡暝牛羊聚林風鳥雀呼白頭香火者猶護赤龍符

二

二塚纍纍接聊城復定安世絕情哀宮獨盛世異柏

同殘久雨石門塌新霜帷殿寒西陵時節望誰見綺

羅嘆

### 令婆墳

國初掄秀嫗分遣入周宮但覩丘墳鬱寧知乳哺同

後王忘昔日頽屋鎖春風寒食鶯啼切林花落自紅

始謁徐祠者曰有像則人起敬

廟古傍湖偏春行更可憐楚城芳草徧紅日此堂懸

榻想陳公後時悲孝獻前亦知遺像誤瞻拜淚油然

### 徐墓書張相國碑銘

不讀南州傳誰知高士心江城遺塚在春日古祠深

竹鳥嚶嚶合松墻靡靡陰曲江千載碣書罷淚盈襟

### 陳祠在徐墓東

可訝司徒廟偏隣孺子墳哲人堪一哭漢鼎竟三分

門引江畔草榻留松上雲紛紛車馬客誰此薦清芬

### 韓文公祠

袁州山在城韓廟倚山清冕服前朝貌文章百代名

石苔猶馬路春竹自鶯聲立望潮陽近翻翻海氣征

### 武陽郡公祠

惠愛前人蹟追思後代心洪都觀察廟香火古江濤



白日江山過青松霜露深亦知精爽異應厭鼓鼙音  
徐蘇二祠

孺子真高特雲卿岬後先揮鋤傲漢冕拊屨臥江烟  
寧飮糟糠畢耻同貪濁全淒涼百代宇悵望一潸然

鵝湖書院

書院佛堂邊頽垣嶺谷連四時僧洒掃千古儼高賢  
立壁東萊毅懸河子靜偏衆流終一海流淚考亭前

游覽六十九首

經長陵詣黃花鎮

沙嶺群峯會黃花一徑穿臨岬防馬駭枯木有蛇懸  
鎖鑰關門壯星辰陵闕連舊驅悲虜賊得失豈皇天

白洋城

京西太行崦孤壘白洋間已巳曾通賊居庸並立關  
水合桑乾去峰連塞上山聖君敷遠德秋日戰旗閑

至黃花

黃花城壓岑山合晝多陰坐見五陵霧來爲九月霖  
泥生劒戟澁寒重鼓鼙沉寂寞松林外那傳孤鴈音

銀山寺

銀山倚鐵壁天外削三峰下見林中寺來聞午後鐘  
僧徒住石屋雷雨拔門松西望諸陵接雲成五色龍

出塞二首

胡蔓黃河限秦亡紫塞存磧沙浮落日寒霧宿踈墩



哨馬三邊動燒荒千里昏將軍拜金印白骨不曾論  
二

磧日淡無暉胡沙驚自飛望烟柔戍壘聞鴈忽沾衣  
大將搜河套遊兵出武威賀蘭山下戰昨日幾人歸

環縣道中

西人習鞍馬而我憚孤征水抱琵琶寨山銜木鉢城  
裹瘡新罷戰插羽又徵兵不到窮邊處那知遠戍情

寺

不覩空王宇誰與浩劫心散花疑白象布地果黃金  
霧飛梁灑夕陽迴殿陰獨啣簪級客遊賞託雲林

繁臺一望

野曠孤煙靜高臺獨望時地殘隋氏苑天闊禹王祠  
晚日雲爭白陰崕花自遲目斷南來鴈蕭然故國思

繁臺別業

地亦因臺峻天能縱屋高宋朝四帝國禹廟九河濤  
上下見陵墓風烟含野蒿昔人聞醉此簡懶愧吾豪

高遠亭

虛亭盖對抄四顧果平蕪嵩嶽杯前出濁河牕外紆  
寺杉時送響塔鶴每來呼一約朋知飲歸車醉每扶

詣別業

跼躄豈吾事郊遊惟獨行風回疑引騎雪落故連城  
塔對疑先白臺雲曳未平感時侵歲晚白髮暗心驚



登盤山頂顧望三湖

爲訪三湖寺春山獨自來千盤不到頂萬壑劃爭迴  
石罅鳴鷄犬林風過虎豺俯觀侯趙對西望白雲臺  
峯日明寒雪谿泉激暗雷若非武陵口那得有桃開

中湖寺二首

龍象何年地千巖一澗迴我來尋石鏡隔竹望香臺  
對繞啼猿入人從鳥道來坐飡霞氣晚只擬是天台

二

陟嶮扣岩扉一鐘鳴翠微丹崖森竹對雪壁映花飛  
屋隙鳴泉寫山昏麋鹿歸松風高壑起雲臥欲霑衣

南湖

中湖果竒絕逾嶺復南湖石磴迴相倚巖泉有乍無  
開窓衆壑積當殿一峰孤更覽千林竹因懷長嘯徒  
北湖畏雨不至

亂山上雲氣孤客發西岑徒瞻北湖寺其如東路心  
嶺猿愁暝雨巖鳥下空陰回首太行麓蕭蕭松椽林  
下南湖

湖僧騎牝馬相送石門峯欹仄亂石路日暝漁樵逢  
蒼茫翠微裏風落青山鐘羨爾巖居者縱期塵外蹤  
曉行雲夢澤

曉行雲夢澤雲起失湖村歷歷橫江雨冥冥遠岫昏  
鼉鼉當馬吼鷗鷺背人翻欲擬浮湘作吾生異楚魂



劉家隔

匹馬淮山盡孤舟漸楚歌遠商吳蜀雜  
新雨漢江波  
驕燕斜斜下輕鷗片片過整帆遲明發  
天色定如何

浮漢

杳杳向前城揚船浮漢行水聞天上轉  
色出雨中明  
已近鳴鷗月長看龍霧生陳詩嘆秣馬  
風浪獨含情

浮江

浮江晴放舸挂席曉須風日倒明波底  
天平落鏡中  
開牕問赤壁捩柁失吳宮萬古滔滔意  
潯陽更向東

九江

九江江九流廬嶽負江州世代催前浪  
圖書羨上游

城孤落日映虎去暮天幽夜笛鄰舟送  
曲終無限秋

發九江

已發南風盛須時且復停岼沙延繫纜  
竹色隱回汀  
行待江水穩臥看廬阜青此生誰固料  
湖海一萍萍

豐安庄

地氣南逾熱僧林晚暫栖雲開一江去  
日在萬山西  
修竹涼風至昏鴉古木齊凭高忽灑淚  
清世有征鼙

圓通寺阻雨

岩扉隣虎穴淹坐面猴江山動雲生眼  
風迴雨入牕  
漸交松際響驀闢石間瀧鈴磬烟蘿外  
高峰只自雙  
圓通寺阻雨聞石門礮橋斷水湧阻往  
東林



石門雨斷橋途阻虎溪遙及想遠公室秋蓮應盡飄  
愁猿吟霧裏落葉重林腰更有天池望巖巖向碧霄  
五老峰

東南濤浪吞五老古今存秀色彭湖浴諸峯廬嶽尊  
中宵見海日南斗豁天門霜雪顏常靜雲烟解變魂  
再至洞院

昔別秋色苦今遊風澗清穿石竹猶活雨過泉自生  
禮殿古門換釣臺新路平獨來誰每見雲日此峰情  
迴流山亭

亭高山盡入回首見鄱陽天地開吳楚絃歌有宋唐  
峰雲低棟白湖日倒碑黃六月吾來此涼風不可當  
折桂寺

折桂何朝院開基分翠峰  
嶸明五老雪門掩半岷松  
泉瀑飛人過香臺印虎踪  
千巖誰得到百里但聞鐘  
團山登望 石壁朝饒  
二山名

團山當縣口石壁對朝饒  
日靜湖波斂天低色遙  
風雲餘霸氣吳楚混前朝  
秋水年年落英雄恨不消  
芝山望

吳楚分何代乾坤此郡孤  
江從剡裏斷山入雨中無  
戰鬪名空在英雄世與徂  
酒酣撫長劍極目盡重湖  
芝山寺感事

偶到芝山寺遙傷薦福碑  
霜雪十月動秋戰萬家悲



涼入丹楓墮岬高黃葛垂洪鈞融萬物黔首獨旌旗

### 龜峰

立壁有天地浮雲無古今仲冬諸客到落日亂峰陰  
峭峽通人過危巖把酒唸竒多看不徹昏黑更登臨

### 泊安仁

官舟商泊同城近月濛濛成鼓夜長擊漁燈時自紅  
烏鵲枝難穩豺狼穴易空向來論大對心切古人風

### 鉛山

山水交閩越東南古縣聞一峰晴冒雪兩水晝蒸雲  
石井鵝湖倚車蓋鳥道分儒宮荆棘裏寒葉痛紛紛

### 明遠樓春望

貢院初開閣春陰獨倚欄柳邊千艦聚花裏萬家殘  
風雨江聲壯兵戈地色寒斷腸沙雁北羣起向長安

### 市汊夜泊

此夜章江月無端照獨舟人生真梗泛歲暮且帆遊  
臘逼寒燈焰波吞霽雪流坐吟風鴈起漁笛滿前洲

### 豐城夜泊

夏至北風至晚晴涼意增江船逼新月沙色亂踈燈  
暗漿故相撥浮陽還自蒸倚檣看劒氣仍見斗間曾

### 舟往臨江即事

直舫含風細中江放舸安地隨帆席轉風進晚潮殘  
霞樹迎窓過晴山卷幔看遙驚雙浴鷺色舉向雲端



雨泊豐城

古岼花層濕陰江鷗半飛波迴撼船重雨側入簾微  
澤愛金華湧亭傷寶氣稀二年三歷此腸斷北舟歸

夜行盱江

燈火遵山閃旌旗折路頻仙壇杳不見片月故須親  
土俗漸異楚人言多雜閩豈無器不足訟簡愛吾民

赴新喻

露對且烏啼孤舟晨向西蕭灘千百轉昏暮到羅溪  
古驛屯雲密平沙沒日低揚帆更前去月夜不須迷

自進賢趨撫州

炎域霜何厲寒原木欲稀肩輿隨落葉晨日上征衣

路勢東南轉北風鴻鴈歸東鄉新血戰巢破鳥猶飛

雲山渡

渡古雲山積江明日色饒霜融木更落野靜路堪遙  
冠蓋行相望干戈氣未消傷心弄兵者汝業本漁樵

玉峽驛夜泊

暑泊無風夜江船深自涼雲纖沾葛細月湧去波長  
古峽銜孤驛名山引玉梁前途堪躍馬旦發問仙鄉

白沙驛

沙古幽幽白江新浪浪清水街村作國山繞驛爲城  
萬里將南徼孤槎且暮征壯心與落日的一向波明

宜春臺春望



古州圖記見今望臨高臺人倚楚天盡風驅湘色來  
密雲生曉暝遠水上春雷尚有干戈淚馮軒眼倦開  
澗富嶺赴安福二首

三月赴安城遙攀嶺路行前驅真避虎絕壁亦啼鶯  
周覽物色換極高雲氣迎俯看南嶺路孤舸會將征

山行忽百里步步山情新蘿擁千盤透花齊萬谷春  
寒暄不異地憂喜暫隨人默誦垂堂戒私嗟名利身

鬱孤臺

朔日送客返慨然登鬱孤悲歌爲閩廣指顧盡江湖  
南俗羗夷雜北流章貢俱兵舸尚滿眼繹繹詣饒都

曉至鄔子驛

湖夜乘風過天明見驛樓數家依獨對落月隱春洲  
日抱越峰上江奔吳徼流姚源東水外兵甲氣還浮  
再至玉虛觀

龍沙欣自昔久泊遂今期雨露新松大丹青舊殿移  
岼雲通繡拱江日抱金池欲倚門東閣愁看日暮時

仙樓

仙樓忽欲暝鐘鼓下江烟獨坐一燭秉當門新月懸  
石寒壇近斗沙靜對浮天半夜朝羣帝珊珊羽節還

謝岩秋日始集

百戰江山在吾來草木秋孤城洞口落襄水席邊流



去國雙王粲題岩只謝侯醉歸憶山簡飛興習池頭

秋望

蝶戲猶餘藥蟬吟已怯枝乾坤入漢日霜露望鄉時  
屈子偏生楚王通不負隋晚楓江更苦莫上峴山祠

古城春望

陰陰日欲暮迢迢春望稀野色吹寒立林鴉逆雨歸  
孤城還麥秀白首且花飛臨路長楊嫋前朝今是非

東陂秋汎三首

久說東陂好今陪上客遊綺筵開畫舫哀笛奮中流  
舞每低輕燕歌先起白鷗稍前休更進吾愛荻花洲

二

水寺通人少松亭隔芰荷問僧舟暫艤各岍酒同過

草木秋風入湖山晚色和返橈須痛飲前路滿漁歌

三

進艇晨烟碧回棹晚日黃宿禽喧亂葦飢獺竄空梁  
放浪形骸得牽纏世路忙要君待明月此水是滄浪

與駱子游三山陂三首

庫部平生友湖山百代心追思宮闕地蕪沒水雲深  
連馬穿蘆入羣鷗坐石吟誰能堪落日莽莽古城陰

二

丘壑胸應滿乾坤眼獨真揚鞭指河洛立馬說周秦  
古墓笙歌地前朝戰伐塵秋風颭颭起白草正愁人



日扇逢林却風旗改路迴悲涼元此嶽攀陟復何臺  
雲破遠峰出天秋孤鴈來明朝異南北歸騎莫教催

上方寺鐘樓

臺上一鐘鳴登臺萬里平兼葭天正遠雲氣暮還生  
飢雀喧空澤黃蒿斷古城不堪臨眺屢况足感秋情

上方寺鐘樓晚登

危閣秋登霽寒烟晚坐重長風欲動地落日故銜峰  
葦颭騰雙鷺雲拖挂一龍此懷吾不淺恠爾暮鳴鐘

春晴野寺和李大

野闊愛春幽新晴覓寺遊立僧當徑望融雪向門流  
淨色悲諸界浮生晒一丘隣君厭囂俗行處即滄洲

城南夏望和王相國

散步郊南望雛鴉款款飛園林惟草色時序已絺衣  
試粉蓮初膩殘香棟乍稀亦思河朔飲無奈賞心違

春日臺寺

寺僻春還麗人閑午任遊行隨碧草遠話爲老僧留  
池竹晴常潤龕花晚更幽塔端兩巢鶴怪爾亦優游



空同先生集卷第二十四

北郡李夢陽撰

詩 五言律詩一百首

贈答

陶行人宅贈

酬京師友人見寄

繁臺餞客二首

送秦子

聞李公寓郊園寄贈

答伊陽殷明府見寄

寄殷明府二首

送鮑生下第南歸

杭州部淮談其師燾

南陽宅訪徐禎卿

張子抱疴避諠山寺闊別旬月作此懷寄

寄錢水部榮

風夕柬徐子



送舍姪木還汴

得何子過湖南消息

憶何子

何子至自滇

春歸東謝真外

晚過序上人

再過序公月夜

晚過定上人

秋雨訪李鍊師

送鮑光雄南歸

田生聞余浩然訪於東郭花下酒集二首

余氏園庄二首

庚午十月余氏東庄

送人還關中

寄贈內弟玉園居

毒熟在獄呈陳運使敷暨潘給事中希曾

延慶觀訪陳州王君 徙泰公方丈秋夜

康狀元話武功山水 發京呂狀元送出城

答何子問訊三首

阻雨明港寄何子首

賢隱寺集贈

漢上遇鍾叅政

贈鍾子漢上

獨對亭贈人過訪

發貴溪高子輦舟送

寄贈林都御史二首

贈何君辭官歸里

新喻遇薛子送贈首

立春寄楊君京口

顧子謫全州贈二首

與樾堂子晚步四首

九日楚山太華君同

送鄭生南歸二首

繁臺書院同邊子首

臺館訪李秀才濂

寄許監察二首

柬黃子二首

許君話遊感舊四首

酬唐禮部見寄二首

贈張工部汴上



答許監察百泉和章兼泄所懷三首

和許監察聞報之作 送張監察還朝

伏日許君館亭晚酌二首送陳左使赴貴州二首

早秋許君監察見過 寄王贛榆

寄李濂兼呈何子 寄三生

酬寄徐子秋日登鏡光閣見憶

贈孟明府自桂林量移汶上

寄王子蘇州三首 寄孟縣張明府

酬徐子春日登樓見寄

送許監察還朝二首 再贈許君

贈答

陶行人宅贈

大道僧門對蕭然陶舍深未論五楊柳真懸一素琴

坐向霜烟夕時聞鴻鴈音城笳流海思邊月起秋陰

苦勸蒙騰醉應懷長別心但看得雲翼翼真真誰竟尋

酬京師友人見寄

浮雲悲故國積水起鳴雷不見長安日愁登古吹臺

故人三月別天上一書來欲問經行處山中杜若開

繁臺餞客二首

異地同為客看花更屬秋雲連去國目鴈引望鄉愁

隴樹迷關道吳山蔽驛樓忍將宋玉恨還共李膺舟

二



萬里遊燕客十年歸此臺只今秋色裏忍爲菊花來  
霜露凝秦望衣冠餞楚材不堪分袂苦落日一鴻哀

送秦子

梁國秋砧滿范陽風葉稀如何故人去不與鴈同飛  
北路薊門古寒天易水微君行莫怨霧霜日指南輝

聞李公寓郊園寄贈

幾日棲東嶼昔林今若何主人能醉客世事且狂歌  
黃鳥晴吟竹紅蕖晚出波自憐門士未眠病阻鳴珂

答伊陽殷明府見寄

古縣垂新柳獨吟酬好春琴清山在眼花碧酒隨人  
柰此河陽少曾於漢署親郵筒定不惜有句念沉淪



嚴冬萬卉寂朔吹迫添愁嶺日微含照川雲半逆  
頻齋忘肉味乍冷覓羔裘差勝山陰夜能孤訪戴遊  
送舍姪木還汴

天涯逼除夕念爾獨歸人夜宿盧溝雪朝逢易水春  
為駒先汗血藏劍莫愁身到及張燈候遙知戲彩頻  
得何子過湖南消息

及遇荆門信洞庭秋已淒湘江饒苦竹幾聽鷓鴣啼  
馬援留銅柱王褒祀碧雞向南衝瘴癘藥物去曾携

憶何子

其兄時為  
巴陵知縣

憶爾辭京日余歌萬里行經秋無過鴈索處若為情  
去已窮滇海歸應滯兵城鳳凰池上草春到為誰生



何子至自滇

醉折荷花別寧期花復開川原一回首雲日共徘徊  
知向白蠻去云從三峽來進舟雖一賦胡棄楚陽臺

春歸東謝真外

寂寂鳴禽變陰陰弱絮飛煙花從客久風雨會春歸  
且盡追隨飲休傷節序違無端臨暮景番憶謝玄暉

晚過序上人

塔日微微隋禪居隱隱涼軒開惟有竹坐定始聞香  
萬古風塵地三生水月鄉頻來尋白社不爲禮空王

再過序公月夜

歲已殘冬逼月餘今夜圓光侵僧磬發清傷佛樓懸

鳴鳥疑深對高雲靜暮天夙心如解此更欲問何和

晚過定上人

中秋鏡閣臨向晚過西林月自湖間動鵲翻祇對深  
靜耳鐘磬發寒更塔廊陰萬物輝今夕悠悠塵外心

秋雨訪李鍊師

便靜尋丹侶飛梁度赤城洞花含雨落階鶴下松迎  
雲霧生仙袂秋寒咽鳳笙余情會浩蕩先品步虛聲

送鮑光雄南歸

世事風波遠悠悠素髮新乾坤萬里色江海獨歸人  
岼柳牽行舫汀花照暮春山中采芳杜好薦北堂親

田生聞余浩然訪於東郭花下酒集二首



花林吾自酌見覓爾情親轉覺花饒笑番驚蝶趁人  
百年秦地客萬里宋宮春酒罷烟城暮無言對愴神

二

令兄真國士吾子更超然同住孤城裏相邀東郭前  
攀桃映落日折柳向春天更有梁臺約風塵入暮烟

余氏園庄二首

無端二月至不分百花開林坐斜陽入郊暄沙色來  
穠葩偏近牖弱柳故臨杯共是天涯客無辭酩酊迴

百年吾不醉一歲幾何春况接桃花暮難禁柳色新  
君爲避世客余是放歌人爛熳題詩徧林鶯莫漫噴

庚午十月余氏東庄

南客招延屢東遊野興高乾坤侵肅殺雲木半蕭騷  
暖澤喧饑雀冬林秀晚桃時清還浪跡痛飲笑吾曹

送人還關中

見君驅去馬忽起望鄉思華嶽寒逾峻涇河繞自遲  
躬耕爲谷口把釣憶皇陂何日一尊酒南山對不移

寄贈內弟玉園居

城市憐余獨鄉居見爾稀年華仍雪樹疾病有柴扉  
烟起浦欲暝沙寒鴻自飢一身固不保萬事莫嗔違

毒熱在獄呈陳運使斃暨潘給事中希曾

此地饒炎熱南中恐未然有風番助暑揮汗欲成泉



鳥避棲深葉蠅喧集滿筵百憂吾共汝流涕北風篇

延慶觀訪陳州王君

珠閣晴逾麗仙林午自和我來驅獨馬笑爾溺雙鵝  
臘雪融樓薄溪風傍竹多雖非宛丘習吾醉亦婆娑

徙泰公方丈秋夜

秋林風色暮游子念征衣鴻鴈俱高起江山獨未歸  
月臨蓮室靜螢傷竹林微喜對離羣友吾生本息機

康狀元話武功山水

夢寐關中好連年未得歸側聞武功勝佳興益翻飛  
水繞褒斜出山從盤屋圍因君覓水竹爲買釣魚磯

發京呂狀元送出城

旭日清霜麗關河獨鴈飛征蓬各自遠會面後應稀  
渭水縈秦塞南山繞漢畿料君鄉思切只恐未能歸

答何子問訊三首

伊汝投簪日憐余罾網羅江湖鴻鴈絕道路虎狼多  
萬死還鄉井潛身葺薜蘿天涯歲仍晚無路覓羊何

二

仲夏辭梁地中秋出夏臺醉行燕市月留滯菊花杯  
日暮千行淚天寒一鴈來亦知張季子不爲食鱸迴

三

弱冠真憐汝投閑更可哀山高桐相觀水曲范滂臺  
假寐憑巖桂潛行倚岫梅此時誰借問日短暮寒催



阻雨明港寄何子二首

白日雲猶動，青山雨忽來。  
計程今夜會，策馬出村回。  
月對荆門上，天從夢澤開。  
旅燈依港宿，吟苦獨徘徊。

二

微微山日舒，彼美碧山隅。  
信宿猶難遣，經年祇重吁。  
花含明日艷，月助此宵孤。  
久擬申城醉，香醪語爾沽。

賢隱寺集贈

水落移舟穩，山行酒暫隨。  
寺高垂路細，林密見僧遲。  
樓閣登臨日，江淮獨去時。  
不應聊駐此，愈重白雲思。

漢上遇鍾參政

長安一爲別，十載但書傳。  
我自河南至，君來自沔川。  
偶逢知萬事，重會是何年。  
館靜風依馬，江鳴雨濯船。  
情多看轉默，酒後惜分眠。  
明發孤帆疾，愁經大別邊。

贈鍾子漢上

君爲薇省使，幾度紫薇開。  
髮以憂時白，舟巡累月回。  
漢川驚會面，江雨助停杯。  
已約同船下，安能曉霧來。

獨對亭贈人過訪

孤亭瞰巨壑，五老對銜卮。  
日出峰烟起，風涼谷樹悲。  
石泉秋聽急，山路晚歸遲。  
異日東南賞，應深廬嶽思。

發貴溪高子輩舟送

旌旗飛近邑，鼓吹送前舟。  
禮餞諸生侍，英寮並節遊。  
長風驅暝色，密霰響寒洲。  
見月帆猶進，山陰恨子猷。



寄贈林都御史二首

錦水啼鶯起巴山春望微  
干戈滿眼急江漢一舟歸  
花送琴書色霜留斧鉞威  
所傷豺虎亂公也息鷗機

二

諸葛能安蜀穰苴本善兵  
向來優起詔番作急流行  
老益丹心壯憂惟白髮驚  
祗憐川父老涕泣挽歸旌

贈何君辭官歸里

三年牧夷郡萬里竟歸舟  
瘴離程畚雨雪乘江漢流  
琴書頓縣邑五馬向山樓  
棠對苗民種清陰應舊州

新喻遇薛子送贈二首

故舊日益遠寸心空六所  
安雨留杯酒暫明發楚途漫

炎暑百蠻盡風霜五月寒  
知君近南斗時倚鑊鋤看

二

解劍別此水憐君向桂林  
徒持一杯酒其柰故人心  
瘴癘秋行霽沅湘馬度深  
衡陽雖更遠莫遣鴈書沉

立春寄楊君京口

一水相望隔飄飄楚越身  
北風猶送雨南國暗增春  
雲入金山接波添彭澤新  
妙高峰上酒對酌是何辰

顧子謫全州贈二首

楚城悲遠望君去更悠悠  
十月逢南鴈章江况北流  
寒沙帶宿莽霜日下孤舟  
明發湘東路應添吊屈愁

二



蒼梧遺舜跡白雲秋氣愁君得人文地相傳是此州  
山連夜郎密瘴入桂林收獨有思親淚非緣逐客流  
與樾堂子晚步四首

有伴沙行穩無雲楚望深江湖席下出樓觀鳥邊陰  
共繫南來跡孤帆北逝心徘徊忽復晚朗月散松林

二

晚俯林烟靜居然盡一城江圍三面白雨過四時清  
沙迤偏升月花踈轉喚鶯可言南岫矮青槩斗牛平

三

北郭浮沙暝西山擁坐真日猶銜殿閣江已下星辰  
禹服苗風雜豐郊劔氣伸獨嗟征艦日歌吹滿城闌

四

美對沙能秀高花夏不踈江山百戰後登眺兩人初  
楚月垂鮫淚燕山澁鴈書異時羊續壁喜接豫章魚

九日楚山太華君同登

不入襄陽府秋山每自來那知楚峰上還共菊花杯  
帽落層雲迥風生萬壑開却思羊叔子峴首獨悲哀

送鄭生南歸二首

梁園杯酒罷江上泛舟歸白日孤帆隱青天一鳥飛  
路分和靖宅潮接子陵磯美爾隨玄豹還山戲彩衣

二

挂席南風便烟霞北望深逢人著阜帽采藥鍊黃金



五月三江路扁舟四海心方山有叢桂誰與結雲林  
繁臺書院同邊子三首

壹觴聊首夏文史更孤臺地主更來幾登臨每復陪  
徑蘭迎節秀岩鶴撲驄迴落日凭軒外蒼蒼四嶽開  
二

駐賞林紅減登吟野綠圍故人率爾遇時序暗中違  
氣突芒碭斷雲低孟澤飛昔賢誰復此無羨酒酣歸

三  
興劇攀巍坐脩然俯日斜亭扶盤石對嵯綴殿春花  
薜服賓游幘青衿閃釣槎綢繆不欲別風野暮鳴笳

臺館訪李秀才濂

李生梁國彥少小事沉冥春日古臺上獨行楓對青  
花侵映雪壁鳥下草玄亭野闊看無際浮雲似洞庭  
寄許監察二首

爲問乘驄使經春北未迴句刪淇竹寫尊泛鄴花開  
昏曉行山外風雲每自來不知銅雀上臨望幾徘徊

二

初擬周二晉何時已百泉吏人跳水外驄馬白楊邊  
坐憶孫登嘯行吟衛女篇倒看峰不極炎日有霜烟

柬黃子二首

約隱情非飾今歸悔即遲田園荒欲盡親友半相疑  
杯酒惟黃子儒門是白眉可能東郭柳日往聽黃鸝



二  
徑菊陶能得田瓜邵獨勤爲農消日月倚杖看風雲  
挿柳俄成對籠鵝忽一羣不須憂萬事客至且醺醺  
許君話遊感舊四首

二  
幾日離泉上泉香滿繡衣坐談觀水事想見采菱歸  
石柱新留姓山藜亦借威知君薄朱紱興在白雲飛

三  
泉館舊曾到跳珠今若何數年魚不小題壁客應多  
照日輸金浪回風散錦渦君令樹藹藹勿逼古龍窩

四  
亭榭逢君復源泉改色流噴珠連地涌仰鏡合天浮  
掇蛤曾兼石移家欲狎鷗獵心萌自鄙日往水邊頭

酬唐禮部見寄二首  
昔訪仙潭鯉春陰阻獨行至今看絕頂長日有雲生  
爾昨褰帷過同深把釣情何晴掣金鬣携手萬峰晴

二  
僕踈鹵蕪鄙人也舉世棄焉於唐無一面之  
雅迺今辱拔群之顧偉文法筆吐露悃悞僕  
奚以有此哉

二  
萬事中年懶諸人近日踈不忘惟墨客願見有音書  
倚伏休詢鵬生涯且釣魚問竒終缺酒不是草玄居



蹈虎看賢達攀龍幾奮飛長歌百年內慘淡萬情歸  
種竹從過檻栽桑不慮衣神交古有在莫遣北鴻稀  
贈張工部汴上

天意焚宮殿臣心急棟梁未花辭魏闕酷暑向咸陽  
遇我真傾蓋憂時每罷觴塵沙一萬里分手向垂楊

答許監察百泉和章兼泄所感三首

踈迂甘病足天地合藏身未即辭城市何緣謝世人  
恨無山在眼願與鹿爲鄰暑日情真倍蕭蕭水石濱

二

吾門客不到永晝雀堪羅竹色間巾拂池涼颭芰荷  
片雲感日卷雙燕掠虫過忽憶臺端使詩成只自哦

三

睡起看雲坐敲門報吏來受書驚鯉躍投李得瓊迴  
思爲源泉劇辭遵比興裁不須共林石三復野情開

和許監察聞報之作

忽爾西邊信飛傳過洛陽幾酋齊豕突何將最鷹揚  
殺氣黃河接烽烟紫塞長籌兵有諫疏早晚達明光

送張監察還朝

北極星辰入山河斧鉞歸鳥爭車轡疾雨逆蓋雲飛  
御柳元搖珮臺花且襲衣聖心虛采納忍使諫書希

伏日許君館亭晚酌二首

暑閣含風暮林亭透日疎俯地閒白羽把酒躍金魚



興觸山花發心同水葉舒孰言臺務劇鎮日有琴書

二

樹色寒文簾池光隱玉壺敞造真不暑愛客忽忘晡  
鳥返爭栖柏魚懽自戲蒲回思闌闌子天地一洪鑪

送陳左使赴貴州二首

萬里洞庭西秋風入五溪瘴天開斧鉞山驛斷虹蜺  
水出牂牁繞城臨井宿低堂間花對紫簫鼓閱雕題

二

郡縣收殊俗封疆託此臣去披炎嶺霧坐使瘴花春  
獠部知徭賦夷官學縉紳誰期召伯對蔽芾五溪濱

早秋監察許君見過

五

備繫三山雨乍過夏蟬猶咽竹夕露欲傾荷

眷此青雲客懷余白石歌相看恨易晚燈火發烟蘿

寄王贛榆

自汝謫東縣朝朝看海頭書纔一紙到別已十年周  
日就晚潮落城浮淮水流知君負楚調激烈向清秋

寄李濂兼呈何子

仲言何  
遜字

識汝塵埃際飛騰步步高許身元稷契努力更風騷  
暫亦遊香署終能奪錦袍仲言應過數萬里兩鴻毛

寄王生

重九書新寄他時意獨傷故山吾別久籬菊晚誰芳  
日月徒鴻鴈乾坤尚虎狼松楸圍幾大人發淚千行



酌寄徐子秋日登鏡光閣見憶

歲晚湖間閣秋臨共爾曹路疑銀漢上  
身近紫宸高  
霜色諸天鏡  
愔風四海濤  
別離誰復此  
檻望獨揮毫

贈孟明府自桂林量移汝上

少年東邑宰  
萬里北還人  
桂已他時苦  
花須滿眼春  
偶逢思宿昔  
臨別見交親  
莫小牛刀試  
元為驄馬臣

寄王子蘇州三首

獨立望南天  
秋空月會圓  
此時一尊酒  
憶爾隔嬋娟  
並馬遊燕日  
孤舟去越年  
斷腸今萬里  
心折暮江前

二

三十烏臺使  
投冠竟黑頭  
田園是故里  
江海有新舟

把酒看鴻舉  
開窓面虎丘  
不須慨今古  
吾伴鹿麋遊

三

舊交多鬼錄  
吾子獨仙鄉  
幸自饒強健  
何心說廟廊  
稻輸吳郡白  
橘足洞庭黃  
飽飯教兒女  
攤書日滿床

寄孟縣張明府

同年多出宰  
獨爾得河陽  
背郭圍王屋  
開門對北邙  
詞章前令掩  
桃李舊花香  
何日乘雲起  
雙鳧入帝鄉

酬徐子春日登樓見寄

三月垂楊合  
風花滿帝州  
伊予直北望  
爾上幾層樓  
紫塞連天起  
黃河抱地流  
春烟動萬里  
何處覓前遊

送許監察還朝二首



杯酒豈無友知音誰復多君今萬里去吾奈好春何  
路草隨軺碧山鶯近驛歌尚思文話地驄馬月中過

二

吾園花爛熳子特駐驄看偶念明朝別先違兩地懽  
勝之元執斧陶氏合投冠去住情俱得離杯莫放乾

再贈許君

緣岍百花開樓船三月迴人依鐵甕望鳥避柏烏來

禮樂還朝疏山川畫笏才太微遙已入新彩近三台

畫笏虞  
允文也

空同先生集卷第二十四

空同先生集卷第二十五

北郡李夢陽撰

詩

五言律詩一百首

贈答

邊君生日來訪時近中秋不虞雷電二首

繁臺院閣餞沈子之雲南并懷劉子二首

送姪木甥嘉會試  
繁臺冬餞程子三首

丙子生日答內弟璣  
雪後寺集夜別王子

早春懷上方寺  
春日過李氏因贈

送鄭生  
柬張舍

憇長葛端壁寺偶遇使人王卿齋監察毛君



詩劄到困頓中口占馳寄亦答遊山之約

月夜東張含

送張含

秋日讀王子赴江西時諸曹贈行篇什感賦

繁臺送張內史侍母還蜀同毛袁監察三首

丁丑重九繁臺酒集 寄王憲使二首

寄崔內史病還鄴 早春宴黃宅

送右轄王子逼除赴嵩山之役以獄事

送余生南監 繁臺秋餞何子二首

再餞何子 喜李生自京師歸

送柳儀賓進 聖節表 中秋別鄭生

已卯元日內弟璣見過二首

送戴氏

寄毛監察

雪中鄭生見訪

雪中蘇生以詩見過

春初大道觀訪蘇生 寄陳浚

贈僧壞讓越人也嗜酒其居有借對軒

逢邾王子 徐子過別因而留宿

洪法寺遇鄉僧 送張生還金齒二首

送鄭淳入閩 送王左史入覲

送姪竹赴京聽除 送長垣尹赴召二首

寄熊御史塞上 秋日王子臺上

酬錢丁錫山之招 送王子如淞江

晚過 孟氏雷雨遽至會王子亦來二首



僧園秋集同田生二首

春日宴山泉王子之第同左田二子二首

酬贈閣老劉公四首 送田生讀書上方寺

登鐘樓答田秀才 別鄭生

送白帥留守中都 再送白師

再送鄭生 譚劉二子過賞牡丹

春日寄題崔學士後渠書屋七首

小園花發譚劉二君訂遊涉夏始至席上三首

送呂先生四川衡聘 贈孟監司赴任三首

送譚子二首 贈林監察阻雨郊館

庭菊紛披有懷王喻二君子

晚秋王喻二監察見過二首

菊日任君見過 寄鄭生二首

贈答

邊君生日來訪時近中秋不虞雷雹二首

怪爾生辰日高軒特過吾秋驚飛雹至雨逐去雲無

上壽須君子同聲愧老夫毋勞問隱顯乘月有清壺

二

雹過天仍雨庭空晚復雷連牀慨往昔阻馬得徘徊

暗藥香賓席秋燈焰壽杯非君有家慶肯放夜輶迴

繁臺院閣餞沈子之雲南并懷劉子二首

斗酒重陽後危樓萬里前停雲忽蔽地起鶴故橫天



斜日留傾蓋，踈花影別筵。忍看驄馬使，遙向碧雞邊。

二

豈料吾劉沈，提刑繼入滇。經過此臺上，共醉菊花筵。日落杯光動，樓空海色連。無論即萬里，身世轉蓬前。

送姪木甥嘉會試

二子趨南省，同車向北燕。苦心衝鴈雪，得意佇花天。合浦珠光會，豐城寶氣連。諒懷鵬舉志，吐膽鳳樓前。

繁臺久餞翟子三首

野館逢君日，相逢復惜違。暖崖花尚發，冬樹果初肥。斧鉞從天至，家山傍海歸。懸知稱慶處，不獨錦爲衣。

二

邦君榮大禮，星使返三台。路指東方入，尊留南郭開。館深松自靜，筵暮月還來。明日山河異，無言不醉迴。

三

爲慕梁臺勝，紆君駐馬觀。風霜當夜急，樓閣近星寒。醕酎猶更燭，徘徊數倚闌。知君有家國，忍向北雲看。

丙子生日答內弟璣

今夜今年聚，誰知骨肉稀。汝猶悲爍粥，予豈那于飛。對火霜威入，侵杯月色微。斗斜燈更續，不是醉無歸。

雪後寺集夜別王子

僧夜晴遊地，月高鐘磬聞。塔光斜照雪，香氣上蒸雲。客向杯前聚，途於醉後分。別離誰不爾，繾綣獨斯文。



早春懷上方寺

此寺城中僻邊城野四圍青天直塔上落日稱僧歸  
殿古松風入臺春草雪微覓碑吾不懶所慮鳥驚飛

春日過李氏因贈

偶憶孩童日能禁老大悲向來門巷接長是酒筵隨  
禮樂儒門舊風花世路疑不須辭夜飲春月正逶迤

送鄭生

河水未盡脫怪爾駕舟還言向金陵去春登江上山  
淶波元楚徼芳草自吳關寶劍男兒在那憂行路艱

柬張含

戰國侯嬴里梁園李白杯夏驕惟溽雨秋弱尚鳴雷

病館經旬滯歸旌萬里催別書期早寄莫俟北鴻廻

憇長葛端壁寺偶遇使人王卿齋監察毛君

詩劄到困頓中口占馳寄亦答遊山之約

遠爲長葛憇忽接許昌吟不覩暮雲句那知春別心  
早花連潁岍晚日下嵩岑咫尺盟難踐何須問古今

月夜柬張含

風餐涼雨過露坐晚林幽汝對梁園月孰如金齒秋  
常星皆北拱顛海獨西流萬里清光再應懷今夜遊

送張含

明發車南指滇城更復南秋驚洞庭葉雪壓貴州嵐  
念汝此行遠求官今尚淹保昌山塢側好結望京庵



秋日讀王子赴江西時諸曹贈行篇什感賦  
接攬西江轡同懷振鐸年匡廬並突兀鄱水日悠然  
子進薇花省子歸蓮葉船梁園邂逅地把酒對秋天

繁臺送張內史侍母還蜀同毛袁監察三首

幸值高秋霽何愁蜀道難顧瞻知國念跋涉爲親歡  
露菊沿江熟風林過棧寒故園如有夢應在五雲端

二

翰苑飛名久梁園接席初文談白日下涼露碧林疎  
劍閣天真險巴山錦不如饌親知盡樂日日有姜魚

三

飲暮不歸去繁臺秋正深侍臣軒偶遇驄馬酒同臨

去國三川路停雲萬里心西南鴈不到吾遲尺魚音

丁丑重九繁臺酒集

高會今秋始重陽逐歲同上臺寒日午開閣古林風  
且約黃花醉休嗟白髮翁舊游不須問天際有飛鴻

寄王憲使二首

反側須開縣安危亦仗兵饒山夾岍密鄱水向秋清  
部使輕裘入餘黎裹飯迎怪來服從易爲懼靖南名

二

傳爾提刑地思予攬轡游湖山不改秀蛇虎向來憂  
賣劍元能事寒帷啻此州范公芳未泯亭在北山頭

寄崔內史病還鄴



漳浦新歸客文園舊病身乾坤金馬外杖履碧山春  
書合虞卿著耕非桀溺倫漢庭文賦筆誰及茂陵臣  
早春宴黃宅

岐路風花裏乾坤醉眼中事隨年共異春與昔還同  
相聚今何夕相看各已翁夜和杯更暖休負燭花紅  
送右轄王子通除赴嵩山之役以獄事

遽有嵩山役恰然逢此春旌旗拂岫入車馬駐蘿新  
坐愛溪花發行憐寨獸馴時雷蘇萬物君重係纍民

送余生南監

江門柳色暗四月浪花高爾抱魚龍志休隨雀燕曹  
金山入紫氣壁水動青袍倘慮音書隔南風有順毛

繁臺秋餞何子二首

會少憐君暫臺孤引望頻清秋屬過鴈落日有征人  
華嶽元通洛黃河不棄秦異時愁獨上千里見嶙峋

二

候吏催遲暮遊人怨解携十年內供奉萬里竟關西  
地古饒文物時平罷鼓鼙巡行有佳興應徧絕岷題  
再餞何子

武場重布席文士此分襟人世東西路秋天旦暮陰  
杯光揺弱草庭色下飢禽他日關中使無忘汴上音  
喜李生自京師歸

北極星齊入中原爾獨歸田園自松菊身世有庭闈



魚可一錢買花常四季飛感時臺莫上恐濕賈生衣  
送柳儀賓進 聖節表

萬國生辰表天王北狩時雞鳴元紫禁虎拜亦丹墀  
漢樹霜楓古堯賞靈莢移無辭醉宮酒當是舊朝儀  
中秋別鄭生

別離誰獨免此別是中秋爾上袁宏艇予登庾亮樓  
羽衣飄北檻漁笛起中流炯炯共明月那堪兩地愁  
己卯元日內弟璣見過二首

內弟元朝過柴門午一開柏尊吾足辨椒頌爾須裁  
天地米霜變江湖日月催髮毛斑欲甚誰忍復春來  
二

汝今年四十而我八年多世路憐書劍生涯笑薜蘿  
遊將花並放醉擬鳥同歌莫問朝元日傷心是玉珂  
送戴氏

雨河飛雨盡萬里不塵沙白馬朝天客春風御柳花  
聲名新上計袍笏舊傳家諒有蘭臺擢應難捨伏伽  
寄毛監察

江漢歸鴻鴈乾坤罷虎狼薜蘿吾故土驄馬爾何鄉  
岼樹霜先赤籬花晚自黃向來杯酒地臺柏但蒼蒼  
雪中鄭生見訪

萬戶風花起吾門爾一開驚看破履跡笑指白鬚來  
驢爲登橋熟船非訪戴迴今朝梁苑賦合試賈生才



雪中蘇生以詩見過

楚楚眉山喬儒林，羨白眉。朅來白雪裏，惠我陽春詞。  
結綬終相慶，投珠莫自悲。長安馬蹄疾，是爾看花時。  
春初大道觀訪蘇生

草生壇雪盡，宛宛孤雲輝。怪爾黃庭罷，雙鶴不換歸。  
窻鐙留夕照，欄竹伴春暉。安得頻過此，談玄兩不違。  
寄陳浚

借問垂雙翅，何時奮一飛。黃金不易就，黑髮漸應稀。  
山雪騎驢出，江風捲釣歸。所嗟冠蓋地，獨爾薜蘿衣。  
贈僧懷讓越人也嗜酒其居有借樹軒

訪舊來東社，焚香對病禪。素琴真與寂，濁酒反通玄。  
隣樹當經牖，春花落講筵。不逢支遁語，誰解越中傳。  
逢邨王子

相思汝水月，相見帝城春。紫邏雲煙迥，青門柳色新。  
豈如題鳳侶，疑是好鴉賓。醉即揮鞭別，金龜報主人。  
徐子過別因而留宿

豈是陳蕃榻，能淹孺子棲。無言向春月，難寐及晨雞。  
鈎幔回睂色，梳頭過鳥啼。如何艷陽節，與爾惜分携。  
洪法寺遇鄉僧

爛熳春遊處，重來冬日淒。風松猶故整，露葉已新蹊。  
廢井浮陽出，巍阡凍霧棲。逢僧話鄉曲，寒望轉萋迷。  
送張生還金齒二首



萬里來何事三年此復過高秋鴻鴈下落木洞庭波  
歲月長途老風雲後進多百蠻家更遠自愛莫蹉跎

大雅流重譯殊方挺上才批鱗書幾上塌翅首頻回  
白髮南荒路秋風北宋臺三杯邂逅地爲爾一徘徊

送鄭淳入閩

江海發春濤南浮二月舫花行浙口盛雲近武夷高  
土布離鄉貴杉雞詫客號延平津倘過珍閩匣中刀

送王左史入覲

帝里花應待玉筵醴暫違舟從春水上人是錦衣歸  
日月瞻新袞風雲壯舊綬辭朝君即返莫賦北山薇

送姪竹赴京聽除

皇王寶曆開汝上黃金臺氣色三光正人心萬國來  
拜除將檄入辭謝袖香迴幸會風雲路行仰驥馮才

送長垣尹赴

召二首

君赴蘭臺召誰看此縣花久知驄是馬當許鷺隨車  
日月新明主乾坤舊一家異時纒帛賞應首及孫伽

二

要地徵名尹新朝急俊臣班升玉笋曉臺散紫蘭春  
萬水元趨海羣星自拱辰誰言大河上白首有垂綸

寄熊御史塞上

漢官持斧處天險惜離羣塞口孤城斷峰腰細澗分



胡天秋更慘殺氣暮還雲定有憂邊計緘馳達聖君  
秋日王子臺上

暑霽名王會臺成上客過清秋踈草木落日笙歌  
天地銜杯盡風雲傷檻多聖明今御極誰復慮干戈  
酬錢子錫山之招

南遷公約我北望我懷公陽羨春芽秀荆溪早稻紅  
乘槎伍胥口采藥洞庭東何日酬吾志江濤日夜風

送王子如松江

寶劍寒無色蒼然海上行異書探戰伐高論動公卿  
何日爲毛遂前身是賈生誰憐同學子章句獨虛名  
晚過孟氏雷雨遽至會王子亦來二首

王褒真畏友孟浩復多才下馬雲徐暮開尊雨驟來  
疾雷當戶落驚電觸簷迴坐待明星出無疑曉漏催  
二

霽月出還沒驕雷東復西千門螢火動六月候蛩啼  
共是天涯客能忘雨後題吾詩催仗汝好放片雲低  
僧園秋集同田生二首

榴竹晴相媚秋光滿給孤微風捎果重殘暑入林無  
寶塔金杯映青天白鶴呼不須談浩劫吾醉亦忘吾

二

自笑紅顏日僧今白首看秋風修竹過臺殿碧梧殘  
鐘聲昏仍起壺觴醉不乾塔層思盡上恐逼斗牛寒



春日宴山泉王子之第同左田二子二首

入殿笙簫合開筵錦繡圍苑枝春競發臺日晚猶輝  
語燕窺吟管飛花坐舞衣二豪同酌酖與爾月中歸

二

已恨韶華劇能孤爛熳游鶯啼簷榭換蝶戲檻花流  
賓客朝開宛笙歌晚入樓但看今會者孰與漢枚鄒

酬贈閣老劉公四首

雷奮龍猶臥雲俱鶴自閑一杯莘野月雙屐謝公山  
貴客常辭避田夫數往還桂庭秋偃蹇公醉拉誰攀

二

大號更嘉靖明公會古佈老驚詩律健閑愛醉游歸

庭戶羅花竹兒孫導綵衣向非千仞覽那見太平輝

三

壽席秋能半賓庭月故圓前身金粟佛今代玉堂仙  
兔巧元供藥龜靈豈筭年蠅頭燈下字猶注紫霞編

四

野綠情真逸山香莖獨高酒嫌裴相淺詩掩樂天豪  
公實當三老吾虛受二毛人遐室幸邇音惠莫言勞

送田生讀書上方寺三首

嗜靜甘違俗藏修合就僧綠移開徑竹寒掃護窓藤  
殿閣秋陰下琴書爽氣增不須匡氏壁常有玉蓮燈

二



寺壓孤城斷堂開積水圍一僧當茗竈羣鷺押荷衣  
被酒時登塔持書晚坐磯鶴騰知客至嗟汝詠而歸

三

涼雨滿庭戶冷然松桂幽隔雲清磬濕向夜一燈留  
螢火輝書幌烏啼上佛樓諒多今古意先著宋春秋  
登鐘樓答田秀才

老足秋能健朋游發谷豪眼當孤閣放身已百層高  
霜壁搖朱杞風簷落白蒿生平望東海一釣有連鰲  
別鄭生

白首還離別長途倍苦辛憤時惟按劍避世謾垂綸  
江海烟霜日乾坤去住身臨河見雙鴈杳杳向秋旻

送白帥留守中都

幕府開淮甸山河繞漢陵曉霜迎旆入王氣及秋澄  
弩臥銅牙澁矛拋綠蘚增黃金印如斗應有異時徵  
再送白帥

聖主下龍章將軍入鳳陽地盤淮海壯天擁漢陵長  
祭戟新開府威名古辟疆卜年元萬世王道是金湯  
再送鄭生

聞君數日住使我百憂寬池館杯觴易天涯故舊難  
久晴冬欲暖近水晚猶寒惜取防身劍慙慙醉裏看  
譚劉二子過賞牡丹二首

載酒來朋遠尋芳出郭遙遇花雙蓋住繫柳一驄驕



野席留香迥晴尊助艷嬌誰言闌百寶吾有玉鸞簫

二

學舞花將起矜歌鳥自來日筵隨蔭徙風袂入香開  
李白昭陽調姚黃洛下杯古今君莫問且促醉輶迴

春日寄題崔學士後渠書屋七首

草閣臨何地花天想後渠傍墻應植柳俯岍幾跳魚  
好撰王褒頌休親郭橐書改元新禮制側席待相如

二

石白雲花熒湍青水葉香野情鷗鳥足紗帽世塗忘  
問字舩能過聽鶯客不妨無言渾是暇當有草玄忙

三

鮑客春還鄴崔渠遂盛傳水溶漳岍日草碧魏城天  
徑竹竿竿秀汀花朵朵鮮但無醒酒石物物勝平泉

四

敞敞渠邊屋輝輝座右銘竹琴晴愈靜蘿燭夜還青  
洹水明卿月陳家聚德星泥中雖近戲僕隸解談經

五

是否龜蒙鴨將無逸少鸞內官聊一戲道士敢頻過  
自坐蒲磯飲誰攀桂擢歌絕絃知不易白眼向山河

六

賦筆多崔瑗朋車媿呂安碧渠何日到雲樹一春看  
南果枇杷活西郊苜蓿寬覓君終繫馬艤棹是何灘



且養岷山鳥，休焚學士魚。窮通不在我，水竹漫成居。  
綠薜深藏屋，丹花淺映渠。幾時朝聖主，人擬治安書。

小園花發譚劉二君訂遊涉夏始至席上三首

尚有春留賞，無言客過遲。砌紅殘芍藥，園綠半荼縻。  
邂逅情真倍，追隨酒莫辭。有懷君盡放，得意是佳期。

二

繾綣杯侵夜，迂徐月轉庭。醉尋松影立，涼愛竹風聽。  
老去朋情恕，年來世事經。玉繩天歷歷，誰識少微星。

三

涉夏榴能綻，深更客尚遊。羣行逢樹問，獨立為花留。

就月還移席，呼兒重洗甌。醉眸橫北斗，曙角起城頭。

送呂先生四川衡聘

大省文衡重，名師禮聘遙。閣雲寒暑旆，棧月引星輶。  
古帝蠶叢國，今人駟馬橋。好將揚馬輦，收取貢清朝。

贈孟監司赴任三首

孟嘗知汶上縣有寄我之作

南輟江湖棹，東飛海岱旗。勇辭知至性，強起為名時。  
氣節聊城箭，文章孔廟碑。秋風立馬地，莫動季鷹思。

二

汶上篇仍在，齊東節重過。繞臺新柏秀，匝縣舊花多。  
海色搖行幘，山雲護詠窩。談天君一問，稷下近如何。

三



麋鹿游山性蛟龍卧水心得雲終一起食野不孤吟  
汝去觀滄海予常慕孔林何時挈尊酒同躡太山岑

送譚子二首

國謚逾年至王臣觸暑行木花邀去節山鳥勸離觥  
久客交人廣携家念土輕玉筵須扇日應注使回名

二

聚賞蜂初課分携燕已雛泥驚落夏簾花憶倒春壺  
水路風旗進晴舩暑氣無五雲赤日外縹緲是皇都

贈林監察阻雨郊館

積雨淹征旆曾城隔論文一尊真惜酒萬里正橫雲  
京國聽謠屬閩江道派分美名吾實羨何處接高林

庭菊紛披有懷王喻二君子

鴈急秋真晚園空菊自黃露團菴有色風度不隨香  
却憶初開日君來夜把觴忍今看爛熳獨繞碧籬傍

晚秋王喻二監察見過二首

自種吾堂菊無人共把卮昨來三徑雨忽與兩驄期  
檻霽花逾爽林寒酒故隨坐忘俱酩酊莫遣白衣知

二

霜日來驄並晴杯汎菊頻古今元逆旅天地幾閒身  
鴈陣寒從急籬香晚自新豪吟不知夜圓月在高旻

菊日任君見過

菊筵開遇雨秋色轉增孤冷翠元浮席流香故灑壺



空同先生集卷第二十五  
一詩  
葢沾卷袖摘徑滑倩人扶莫謂無開霽斜陽酒重沾  
寄鄭生二首

故菊開誰對新醪悵爾違耳憎木葉下心與塞鴻歸  
兒女催蓬髮家園滯綵衣問君稱慶暇何處採山薇

二

節序仍黃菊乾坤更白頭文章寧益世衣食暫寬憂  
遇客誰談劍思君獨倚樓遠江寒細細似有北行舟

空同先生集卷第二十五

空同先生集卷第二十六

北郡李夢陽撰

詩  
五言律詩一百首

贈答四十六首

月夜繁臺會兩監察首二送李生還郡二首

甥嘉北來出其謁逢干廟之作予爲和之嘉

時謫茂州判

送甥嘉之茂州次玉溪侍御韻三首

郊園遲王豸使不至 王豸使至復有此賦

王豸使旣返東月皎升乃與李曹二子徑觴

吹臺之巔口占柬王子



秋日呂公西園同玉溪侍御二首

西園酒半會玉溪侍御瓜代報至再賦二首

見和君病起鬚白輒有所贈亦答其酒過

和鄭生行經鳳陽王公初冬見雪和鮑生

鄭生至日泰山二首 寄鮑崇儒

送趙訓學滿歸二首 秋過內弟漫賦二首

贈陳生二首 七夕雪臺子過東庄

贈程生東遊 寄題高子君山別業

立春柬鄭生問其愁病

送劉尹赴徵 冬日寺集觀趙帥射

丁亥寒食柬羨素

喜程生自吳中回致五嶽黃山人音問二首

伏日載酒尋高司封讀書處 郊居東竹溪子

懷五嶽山人黃勉之 郊居東竹溪子

聞吳郡黃山人將遊五嶽寄贈二首

東庄冬夜別程生自邑

已丑八月京口逢五嶽山人

京口楊相國園贈五嶽山人

時序四十四首

九日黃花鎮 九日應變齋居

九日慈恩寺閣二首 生日寫懷

十二月十日 臘日退朝口號



七月十五月食不見追往

月食感恩寺閣二首 元日汴上雪霽

清明河上寓樓獨酌 庚午除日齊武

辛未元日首鳳陽 中秋南康

廬山九日因園觀正嶽 上元滕閣登宴二首

九日薛樓會集二首卷 清明曲江亭閣

端午贛州晚發生自馬 南康除夕

南康元夕二首卷 元夕風起南康

乙亥立秋入黃 中秋二首卷

戊寅元夕平高同桂 中秋喜客携酒見訪

十月月食不見四姪正 巳卯元夕音問

庚辰清明東郭 九日上方寺二首

至日夜雪卷 癸未中秋不月

乙酉上元上方寺 丁亥立秋

甲秋亭會 戊子元夕 五日庄上集

已丑五日

悲悼十首 乙丑逢先大夫誕辰是歲適蒙 恩詔加贈

製字四十用寫哀痛

兄以西堂落成蓋悵然有念於二親余心交

痛頌義追德爰成茲詠焉

讀直道陳公祚遺事 哭郡守郝公



哭張子二首

謁平臺先生墓

溫將軍輓詩

聞鄭生死豐沛舟中

贈答四十六首

月夜繁臺會兩監察二首

路葉風交落臺驄晚並行時寒物色換意遠世緣輕  
異國同觴地危樓片月情暝烟凭檻裏汴水凍猶聲

二首

萬里危樓夜中天朗月時快心真託酒凝望轉停卮  
野色霜元迥林光燭並移依依簷畔鵲先占獨栖枝

送李生還郡二首

宦美庭闈隔清深郡檄催臘江舟自穩暮日首頻回

洞橘黃金摘吳魚白雪來汝親知更樂願展治邦才

二

伯道吳門水梁公冀北雲依親歲聿暮趨郡袂還分  
臘動蘇臺色春回震澤薰重過應未遠良吏漢廷聞  
甥嘉北來出其謁逢干廟之作予爲和之嘉

時謫茂州判

汝謁雙忠廟徘徊幾度吟暴雲連海白積水帶城陰  
自攷看碑淚誰知駐馬心未須悲遠竄不死是恩深

送甥嘉之茂州次玉溪侍御韻三首

已詫齊東謫能堪蜀道行自甘窮塞竄爭柰倚閭情  
劍閣雲中棧蓬婆雪外城大江秋見底待爾濯長纓



蜀道元非易人言此更難虎風生萬壑蛇徑動千盤  
北望常思闕西來不爲官無言羗性異汝當郡民看  
雪山天地外經夏雪難消氣冷三城戍光通萬里橋  
誰言州不好汝去路寧遙縱使胡笳夜猶能夢入朝  
郊園遲王豸使不至

豈少銀鞍馬衝泥許故游清風微進草晴日澹生秋  
掃徑童將倦看籠鶴但收異時高李會佳跡至今留  
王豸使至復有此賦

晴游番幸雨午出更便風柳重陶潛宅花霑御史驄  
達人元野性濁酒本村翁酌罷桑麻晚歸燈一徑紅  
王豸使既返東月皎升乃與李曹二子徑觴  
吹臺之巔口占柬王子

王歸不待月二子共登臺天地劃然皎山河相盪迴  
蛩鳴崖底葉鴈影掌中杯爲問山陰客還能棹雪來  
秋日呂公西園同王溪侍御二首

圃勝城能曲臺高野更秋席陪驄馬出情爲碧雲留  
移坐鋪林葉添樽面水流潛思歌舞地指點問王州

二

入院看垂柿臨畦羨引泉寒葦自滿地踈樹不妨天  
野老疑旌旆林鳥下酒筵無云但游衍公意在桑田



西園酒半會玉溪侍御瓜代報至再賦二首  
北使還朝近西城返照深霜情留果實晚意付花心  
風助林臯爽雲橫海嶽陰茲游如在念應有寄南音

二

勝地留賓切離筵散酒遲網魚生躍案摘棗脆連枝  
草夕鳴蛩動天秋過鴈知河橋明日事願盡掌中卮  
見和君病起鬚白輒有所贈亦答其酒過

詫汝鬚添白將無病苦形眼前真過隙身外是浮萍  
客到留碁局兒呼檢藥經昔人曾頌酒吾意不如醒

和鄭生行經鳳陽

浩蕩興龍地盤旋踞虎形海吞淮水白天插楚峯青

帝宅精靈聚陵宮虎豹扃萬年禋祭禮有道賴朝廷

初冬見雪和鮑生

密雲初布暝踈雨忽成花氣淺冰從薄寒輕白自斜  
敝裘誰念汝孤棹獨思家江上冥冥鴈春風遲去槎

鄭生至自泰山二首

昨汝登東嶽何峯是絕峯有無丈人石幾許大夫松  
海日低波鳥巖雷起窟龍誰言天下小化外亦王封

二

俯首無齊魯東瞻海似杯斗然一峯上不信萬山開  
日抱扶桑躍天橫碣石來君看秦始後仍有漢皇臺

寄鮑崇儒



去日猶零雪庭葵遽復花新詩誰和汝父客自成家  
水國乾侵夏田風莽帶沙長淮日易暮珍重早棲雅

送趙訓學滿歸二首

六旬千里客九載一羶歸路遠琴書重官貧妻子饑  
塞雲迎老髮河色戀征衣會有秋行伴關山新鴈飛

二

宋代陳無已唐時鄭廣文道高官獨冷名美世同聞  
汝挈一羶去予憐雙袂分潛潛白首淚長向渭西雲

秋過內弟湯賦二首

赫赫乘龍地蕭蕭羅雀門桑麻猶世業書史但兒孫  
數過看顏帖今來爲菊樽顯親君太晚願化北溟鯨

主賓俱不飲相對坐同深幸有黃花興無論白髮心  
游虫紛落日高葉下疎林靜裏聞鴻鴈疑添往歲音

贈陳生二首

少小期鵬運于今尚未飛蒿深仲氏宅鷄結憲生衣  
背郭元桑樹臨河只釣磯奉親知不苦饌有白魚肥

二

白屋山中相黃河水後田家無釀酒秫人索買書錢  
雨過雲流野風來浪接天行行牛角上猶掛古人編

七夕雪臺子過東庄

村落元相接園林亦互游酒天携榼就花夜對牀留



忽爾雙星候冷然萬木秋誰期白頭日蕭灑共丹丘  
贈程生東游

鄒魯風猶在芒碭氣有無霸心空大澤儒行乃長途  
野艇冰迷鴈村樓凍集烏無勞怨歲暮隨處是江湖  
寄題高子君山別業二首

君山者江陰縣之北山也高子獲焉於是自稱  
君山主人予聞之爲作君山詩寄焉

一山紫城起萬古號爲君秀攬江心月雄吞海面雲  
金陵通地脉上港發人文羨彼投簪客中年卧紫氛

季札墳邊業春申邑後山一江正展鏡兩港曲成環

不雨雲烟擁長春草木斑隱君梯萬丈倘許世人攀

立春柬鄭生問其愁病

天涯春又至游子近如何病久詩難減鄉遙夢易多  
藥苗春尚雪舟楫海初波舊業方山下東風徧綠莎  
送劉尹赴徵

戀別當炎暑淹留到夕暉徵書昨日下午循吏古人稀  
風樹涼移席庭萱晚就衣明朝五雲裏爭看兩鳧飛  
冬日寺集觀趙帥射

萬里橫霜氣長風快順毛將軍隻弩發壘中兩鴻號  
取石敲新火開鮮弄寶刀回頭問僧者何處得醇醪  
丁亥寒食柬養素



空同集卷三十一  
八  
言  
細雨穠花候高齋獨坐辰春風無病物清世有閒人  
樹濕鶯穿穩泥香燕下頻遙思養素者何處卧松筠  
喜程生自吳中回致五嶽黃山人音問二首  
爛熳梁園樹江舟爾恰迴苑桃惟舊列墻柳半新栽  
枝爲來人嬾花迎笑口開吳門春更好幾上虎丘臺

二

黃子吾真畏程生爾更奇江城傾蓋日渭北暮雲時  
寶劔神終合冥鴻性不移忽思千里駕慚愧昔人爲

伏日載酒尋高司封讀書處

鄭門古城曲小築成幽園爲厭朝簪擾兼辭人境喧  
矮堂交雜樹炎日駐游軒默默林中意相看對一尊

二

養寂爲園卧尋幽當暑過林深得日薄地靜覺蟬多  
舊業元杭稻新亭復薜蘿誰憐朱紱客遽戀白雲窩  
懷五嶽山人黃勉之

吳下元多士黃生更妙才心常在五嶽名已動三台  
系自汝南出文從西漢來各天難見汝翹首獨徘徊  
郊居東竹溪子

當春美杯醞花落恨紛紛重來日復幾飛葉滿秋雲  
寒流下鴈影古戍噪鴉羣殘菊猶堪把長謠獨憶君

聞吳郡黃山人將遊五嶽寄贈二首

昨報三吳客將尋五嶽遊薜蘿應製服春水正宜舟



二室雲中峻三花烟外浮住居吾幸邇先肯到嵩丘

二

天柱峯頭雪蓮花嶺畔雲朗吟惟李白獨往更黃君  
婚嫁今應畢藜鞋有幸分共躋恒岱徧歸著五遊文

東庄冬夜別程生自邑

萬里孤村夜踈燈對語心風枝時響牖寒月故明林  
秦隴新遊壯江湖舊恨侵側知南橐重為有華山吟

己丑八月京口逢五嶽山人

夜雨清池館晨光散石林一舟相過日千里獨來心  
樹擁江聲斷潮生山氣陰異時懷舊意應比未逢深

京口楊相國園贈五嶽山人

遠客乘秋至名園水竹分林寒番易雨池靜

卧疴思知己逢君愜素聞蕭蕭綠雲裏誰解有論文

時序四十四首

九日黃花鎮

黃花遇九日風雨不逢花水湧石梁斷溪吞山郭斜

將軍午宴客欲醉忽聞笳困苦墩樓卒經年誰見家

九日應變齋居

時變逢搖落齋心對暮天未擒可汗日新起秦陵年

聽鴈真無那看花益泫然將歸思臨水愁絕宋生篇

九日慈恩寺閣二首

寶地元依海珠林更假山登臨重九遇城闕五雲還



歌吹喧侯里邊烽入漢關望鄉歸未得能對菊花斑

二

勸寺四圍湖秋林層閣孤天空木更響風落帽還扶  
魚群集下躍鳥影鏡中趨泛菊看山海寒烟暮有無

生日寫懷

臘日明朝是浮生此歲過黃雲薄暮積白髮向來多  
莊王看雄劍幽人戀薜蘿異時論出處竊慮各蹉跎

十二月十日

今日口兄壽蕭條自舉觴燕山非故里汴水亦他鄉  
河鯉行思海原鴿飛畏霜客居憐小姪潛望白雲長

臘日退朝口號

合

霽色催寒臘鷄聲下紫宸至尊深抱戚粥食罷嘗新  
宮霧戎戎薄城鴉欵欵馴小臣憐歲序翹首待陽春  
七月十五日食不見追往有嘆

月食今年再中元與上元春晴燈火亂秋冥雨雲繁  
漢將高城壘胡塵滿塞垣孤臣萬古淚偏灑秦陵園

月食

有明終不滅暫掩亦何虧萬國喧呼地三更鼓角悲  
輪生桂與發光復兔還隨顯晦每如此人生祗自疑

元日汴上雪霽

旭日薰江檻晴雲麗竹扉簷花雪色靜庭篠碧滋歸  
歲月高兒女行藏老蕨薇眼看人共醉椒酒不堪揮



清明河上寓樓獨酌

一自違京邑飄飄嘆此遊  
桃花是往歲竹葉轉新愁  
暮雨津城樹春帆水國樓  
汴河堤上柳烟色似皇州

庚午除日

于今將四十始悞昔年非  
白髮誰能那紅顏我漸違  
行藏沙上鳥日月故山薇  
悵望勞歌起風河柳色歸

辛未元日

萬事渾如昨蹉跎四十臨  
取途傷老馬聞道愧前禽  
日變風雲氣春生海嶽陰  
趁時聊物賞此外更何心

中秋南康

同是中秋月匡廬只自看  
故臨石鏡上偏傍落星灘

北望關山隔南飛鳥鵲寒  
鳳歌喧太液光憶滿長

廬山九日

廬山隨晚坐江漢淨秋襟  
九日黃花雨書堂紅葉深  
細雲飄古帙寒兕吼空林  
不用風吹帽尊前有靜琴

上元滕閣登宴二首

滕閣上元宜章江登宴時  
衣冠還大國唐宋自殘碑  
燈火闌堪凭風塵淚欲垂  
黃雲驅日暮回首見征旗

二

陽浦通新霧陰城帶古樓  
君王罷歌舞棟宇白雲留  
草色歲年換客心江水流  
暮昏仍一望燈火萬家州

九日薛樓會集二首



不倦登樓目遙憐秋色重楓村疊暗浦霜日抱孤峯  
楚越窻中地江山戰後容倚闌渾不語吾欲採芙蓉

二

恰送重陽目能禁孤鴈來林稀山盡出風順櫓齊開  
况是薛樓會難孤江上杯菊芳看莫厭秋色異鄉催

清明曲江亭閣

寒食花爭麗豐江柳獨深此行元慷慨落日更登臨  
浩蕩五湖際風煙千里陰坐看舟楫急徒切濟川心

端午贛州晚發

戲倦龍舟返吾驅彩鷁行晚天開古驛轉眼過孤城  
嫋嫋雲生瀨悠悠第憶兄泛蒲雖念我寧解嶺邊情

南康除夕

畏途值除夕會我得投閒海雪寒城古江春碧草  
星河掛嶽樹燈燭熨歸顏竊計臨家日薔薇滿舊山

南康元夕二首

四海逢今夕孤城有獨身干戈猶野哭梅柳自江春  
月向平湖滿鐙於靜夜親罷誼風乍起嗟爾楚南人

二

嘈嘈市鼓動松月靜吾門燈火思今夜風光滿故園  
天明淹舞袖塵暗失游軒老鬢江山異愁看旌旆繁

元夕風起南康

嶽雲黃裊裊夜半忽淒風度市春燈亂穿梅野樹空



人依青岸酌月漾碧湖中擬盡江城賞無欺蠟炬紅

乙亥立秋

今日秋風起連年濕病蘇應時微雨歇侵曉斷雲徂  
已復寒蟬集空嗟蕙草孤步檐驚驟健一葉下庭梧

中秋二首

漢江江上月今夕去年看尚憶峴山曲秋城波色寒  
故鄉仍節序衰髮且儒冠桂子真誰種天空落未乾

二

輝輝衆星沒宛宛孤輪高萬古今宵月青天首自搔  
度閨螢息照懸樹烏分毛寂寞枚乘筆空懷八月濤

戊寅元夕

春色閨冬後元宵驚蟄邊軟塵欺月散繁火奪星懸  
車馬中原地笙歌全盛年無勞驗花燼難測是皇天

中秋喜客携酒見訪二首

節有吾家會天能此夜陰蟾蜍逐月沒桂子落雲深  
同是悲秋客况懷天柱心引盃光欲閃徒倚向東林

早木采二

山阿木杪秋深土膏入盡

雲出真誰料月行應自如闍然花逕裏忽枉故人車  
落葉近坐滿清光中夜舒杯來不須却此意合躊躇

十月月食不見

少微星

頻食天應苦當宵地故陰悲生十月雨狂阻萬方心  
武解香燈聚霜林鼓角沉復光何處滿願逐翠華臨



已卯元夕

此夜門還閉中天月自看春催桂應發雪映兔猶寒  
兒女添鐙鬧隣家品笛殘少時思可笑走馬向更闌

庚辰清明東郭

少日歡游處逢春老大悲強持盃酒勸怕遣落花隨  
草木梁園在山河宋殿移上墳人盡返岐路獨含思

九日上方寺二首

賞時爭上塔乘月復登臺地盡中原入天空秋色來  
望鄉番恨鴈有菊且銜杯却憶龍山帽徒增醉者哀

車馬中二

天地踈秋色樓臺敞客歌遠江寒自白落水晚堪多

月爲銜盃出鴻於鳴磬過霜橫不歸去吾意在烟蘿

至日夜雪

至夜還深雪幽心獨小堂光雖奪片月寒恐妬微陽  
壓竹寧迷翠沾梅祗辨香一聲何處鴈翅濕且高翔

癸未中秋不月

碧桂行青鳳嬋娟集玉樓世人寧解覩天意漫陰秋  
雪逼初光布星隨滿夜收開晴即是月但遣一尊留

乙酉上元上方寺

地愛僧林僻人邀燈節游緣塋朝借馬改路晚登舟  
春水鳧鷖滿夕陽鐘磬幽相留待明月簫鼓在中流

丁亥立秋



火多常病熱殘暑特相欺今日涼風至颯然林竹披  
聞鷄每起早省稼獨歸遲天地蕭條意何須一葉知

中秋亭會

老去真耽月更深且醉遊影沾如畏露光冷是分秋  
蛩故吟清酒蟾應笑白頭恒星藏不見坐待彩波流

戊子元夕

皎月臨元夜和風入始春過冬猶望雪思世轉愁人  
歌館喧鳴鼓遊車匝暗塵黑頭宜努力吾髮已如銀

巳丑五日

往歲沾宮扇含香拜玉墀只今飄白髮刈麥向東菑  
樹樹鳴蜩日家家望雨時萬方多難意誰達聖明知

五日庄上集

園樹日佳色黃鸝時巧音美人翩紫馬携酒入花陰  
艾席鋪能坐蒲觴乾自斟蜩鳴雖頗聒流轉是天心

悲悼十首

乙丑逢先大夫誕辰是歲適蒙 恩詔加贈

製字四十用寫哀痛

冬 季 二 日

老大思童日詩庭儼昔趨羈孤萬里外優渥死生俱  
寂寞臨花誥幽冥列大夫西雲白蒼莽灑血望松梧

兄以西堂落成蓋悵然有念於二親余心交

痛頌義追德爰成茲詠焉

矯矯江都相淒涼楚穆生家貧無立業道大不求名



破甑常珠網空除任鳥行肯堂兄不忝應慰九原情  
讀直道陳公祚遺事

上主能容直當言敢顧身累朝傳諫劄萬死作歸人  
古廟穠花晚孤墳勁草春從來汨沒士特筆在詞臣

哭郡守郝公

征歛無休日斯人不永年曾聞溪虎避早見壁魚懸  
頌碣留邊郡銘旌拂塞天九河一孤塚愁絕海門烟

哭張子二首

張子者平谷張子禴也以都御史鎮遼東顯矣  
然無何卒李子者張之舊僚也聞之哀焉於是  
作哭張子二章語曰歲在龍蛇賢人嗟張之卒

庚辰歲也

虎豹威邊日龍蛇哭爾年故人今若此吾道合潛然  
部曲歸旌擁風雲舊國連薊門秋草徧何處是新阡

二

翰海龍真泣遼陽鶴竟歸壯心元鐵石神爽尚旌旂  
光繞新埋劔香殘舊賜衣至今生仲達猶怯孔明威  
謁平臺先生墓

豈說嬉遊路今成昔雍門平生馬公帳四海孔融尊  
劔舄收殘草山河抱古原黃昏不忍去白日下蒿園

溫將軍挽詩

不見千夫勇誰開百戰圍門猶森畫戟苔已蝕金衣



空同先生集卷二十六  
俎豆諸郎奮山河奕世輝黃昏兩白鶴偏繞北邙飛  
聞鄭生死豐沛舟中二首

短劍英雄氣孤舟疾病身那知生別後竟作死歸人  
汴柳詩筒斷江花總慢新白頭交誼者灑淚向殘春

二

客觀收豐沛歸舟渺越吳扶持有令弟書劍付遺孤  
墓草親朋隔山松舊業蕪當年走馬地魂繞孝王都

空同先生集卷第二十六

空同先生集卷第二十七

北郡李夢陽撰

詩 五言律詩一百首

感述

古意

賞遊

客散

遊兵

省中春暮

觀雪省中

聞砧

旅夜

除架二首

詠史

望極二首

定居

歸沐

春日大梁東郭



雜興

登臨二首

雨後朝望

早春繁臺

早春南郊

郊行

時事

被繫國境眺望

下吏

獄夜雷電暴雨

獄夜

南征

野戰

野泊

舟中病感

安仁聞夜哭

得家書

報生孫

徐汭風阻雨雪四首

徐汭阻舟七日

湖夜泛

廬山冬至至聞雷

雪夜廬山翫月

南康聞還山之報

江州雨

霽

七夕宜城野泊逢立秋

撥悶覃園

野風

早起

繁臺歸集

繁臺歸興

正月十六日赴吳庄之宴二首

早春赴鮑相之飲

初春飲大道觀因題

宿江氏庄

題壁

春日余庄感舊二首

雨過

雷電

喜雨客會

晴

曉



早起庄上

庄上晚歸

新秋夜興二首

深秋獨夜

郊園省水二首

余園春日

河上秋興十首

閒居寡營忽憶關塞之游遂成七首

夏夜

寄書

春宴

熊子河西使回三首

汴城東樓夏登二首

田園雨蕪客過三首

感述

古意

內廐飛龍馬君王賜玉鞭長鳴彩仗卜立在紫駟先  
放逐緣何事飄零竟不旋如蒙敝帷顧萬里爲君前

賞遊

王者化無外玉門開至今笳閑青海外馬放白登深  
漢將收金鼓胡姬弄玉琴宮中花月夜那稱賞遊心

客散

尊傾客自散而我臥空林五月涼風至孤村細雨陰  
竹蘿垂野逕花草澹幽襟夢醒聞遙唱依稀楚鳳吟

游兵

聞道新開口遊兵未解圍只須殊死戰莫放隻輪歸  
漢月已自滿林鳥常夜飛早將書插羽天子日宵衣

省中春暮



禁漏烟花北分曹御苑西高林落日盡幽院集鴉齊  
豈貴浮生趣常便靜者棲坐憐春事晚庭草日萋萋  
觀雪省中

省葉辭寒盡庭花向暮飄黃雲變玄朔萬里入層霄  
灑地紛紛密凌虛脉脉遙北風聊可詠携手不堪誼  
聞砧

逸響緣雲起清砧入暮繁秋風吹落月萬戶更千門  
寧知寄遠意不盡搗衣蒐早晚逢西使流沙隔塞垣  
旅夜

百卉已蕭索哀壘胡未休寒天清渭對落月故鄉樓  
古人猶涕淚莫意豈公侯雖離南去鴈漂泊向何州

除架二首

種豆高於屋垂瓜忽滿庭根深歷夏茂蔓弱望秋零  
猥雜沉霜露縱橫礙月星斧斤呼稚子欲伐幾回停  
二

炎時忻密葉寒至怨多陰自是衰榮理非關愛惡心  
伐條近陽月開牖散秋禽但能存碩果無用嘆蕭森  
詠史

霸王雄圖並淒涼世徑分鯨鯢赴巨壑鷹隼失高雲  
難折朱游檻休嗟袁紹軍當時干帝紀一一動星文  
望極二首

望極雲天黑關門落葉深古城饑雀啁長路斷蓬沉



發婦登樓思孤臣去國心此時看故壘何處不沾襟

二

漢末忠良顯英名李杜齊伏機翻自中倒柄爲誰携  
碧海鯨鯢鬪蒼林虎兕啼南州徐孺子何事獨栖栖

定居

故業秦山北新居梁苑西平生一丘壑何處衰安棲  
玄豹終隨霧神龍或困泥向來登眺夢常繞杜陵溪

歸沐

歸沐謝人事脩然悲俗情陰陽爭歲色江海蓄春聲  
自委青雲懶那教白髮生君看少年者騮馬盡飛纓

春日大梁東郭

桃柳清沙晚悵然悲遠春葉明深坐鳥花劇轉愁人  
少小追懽地乾坤放逐臣已看共如此何惜醉遊頻

雜興

衆木依繁塔吾亭俯蔡河側思雲驥渡不忍黍離歌  
窓裏遊天地春前種薜蘿養生誠計拙冥寂保天和

登臨二首

屏迹良吾性逢辰每壯心花含向日霧柳變隔年陰  
行坐自芳草依棲還舊林高樓出迥絕無日不登臨

二

春燕不巢屋國祥徵至今孤城四戰地斜日兩河陰  
坼坼陳橋斷花開宋苑深河船不入渭那慰望鄉心



雨後朝望

半夜雷驅雨，清晨草映空。起看南什樹，知是北來風。  
宿霧籠初日，晴天滅斷虹。劇心時序晚，遮莫傳岩功。

早春繁臺

泯泯春猶早，行行賞不違。柳黃沙際見，草色雪中歸。  
積水生雲氣，孤城下夕暉。誰禁臺寺望，北鴈又將飛。

早表南郊

二月郊南路，獨行吟早春。冰霜猶在眼，柳色暗隨人。  
上道元通蔡，層山故蔽秦。浪遊今短髮，凝望欲沾巾。

郊行

午雪融村溢，春沙引騎紆。田禽忽自起，水鶴會相呼。

歇馬時傍柳，逢花自倒壺。醉眸橫落日，寂寞宋京都。

時事

幸覩三春媚，番增兩鬢華。賊來當白晝，風起但黃沙。  
碧颭依墻竹，紅殘拂檻花。寄言寇盜者，四海尚爲家。  
被繫國境眺望

亦知躡翼鳥，豈意尉羅求。萬里勞明主，孤臣淚暗流。  
臨京花更苦，近苑柳偏愁。愧爾雲間燕，銜泥向玉樓。

下吏

弘治辛酉年坐榆河驛倉糧，乙丑年坐劾壽寧侯正德戊辰年坐劾劉瑾等封事。

十年三下吏，此度更沾衣。梁獄書難上，秦庭哭未歸。



圍墻花自發鎖館燕還飛况屬炎蒸積憂來不可揮  
獄夜雷電暴雨

一雨暮何急孤眠宵未央疾雷翻暗壁落電轉空梁  
勢極千山動光還萬里長天威終不測魑魅可潛藏

獄夜

簷景栖栖落臺居黯黯幽鼠緣爭果墜螢過隔衣流  
幸竊餘光且那蠲多穴愁亦知廣川子跼蹐爲春秋

南征

寸心日煩孤馬背中原地勢吞淮泗山形包鄧樊  
途官柳接吟葉麥秋繁赤日蒸雲夢科頭思故國

野戰

盜賊乾坤滿縱橫野戰悲隨城巖戍鼓平地有旌旗  
樹燕閑相逐垣花寂自垂諸君大河北捷報幾時知

野泊

遠電明江夜官舟野泊稀山鐘天外落林火雨中微  
水立黃龍鬪沙窟白鷺饑平生萬里志柰可夢西歸

舟中病感

寒望舟中遠鄉心病後多萬山通越水孤棹雜吳歌  
霜已丹楓甚吾如白髮何倦遊常藥物歸思繞關河

安仁聞夜哭

縹緲因風訴哀哀何處音聲隨落月斷聽入過雲深  
轉戰增新鬼誅求損衆心懸軍今更急寨滿碧山岑



得家書

隔歲纔通此一書真萬金時危作宦久家遠戰場深  
慘慘屯黃霧紛紛走綠林怒來思擊揖時有渡江心

報生孫

強仕今爲祖家書昨舉孫行藏三代具生養九朝恩  
長但修蘋藻愚從喚犬豚見時應解笑先夢繞夷門

徐汭風阻雨雪四首

風急江船絕年殘野色凝密雲寒夜拆流霰灑舟燈  
四望湖天黑孤吟羈思增芻村有夫婦對火綴魚罾

二

南雪竟爲雨北風增野寒漏船喧夜語攤濕攪晨餐

轉苦人烟絕生憎鷗鷺乾吾行尚濡滯估舶爾應難

三

阻舟江柳下信宿五湖中立水偏吞雨飛沙半逆風  
夜檣扶岬集漁火亂波空信有悲懽異應知易地同

四

常年遇泛客煞厭說風波雨雪空江夜伊予悲慨多  
沙人荷傘至灘鳥掠舫過幸及投簪會山中有薜蘿

徐汭阻舟七日

七日北風阻野灘舟不行僕奴增餓色妻子話征情  
踈霰欺簾入流澌逐浪生獨吟江更苦詩罷欲三更

湖夜泛



烟湖迥不極，控控中夜征。棹撥魚龍動，人衝鴻鴈鳴。  
雪月物意慘，雨天寒色生。共有舟航事，誰深途路情。

廬山冬至聞雷

小至匡南雨，空江此夜雷。及憂羣蟄震，急恐萬山摧。  
盜賊時事苦，陰陽歸思催。征鴻莫遽起，擬爾北同迴。

雪夜廬山翫月

廬山萬古月，幾度雪邊明。影傍素林滅，層隨寒浪生。  
蔽岩疑有缺，侵鵲暗須驚。轉恐羣星妬，冰壺獨自行。

南康聞還山之報

傳玄非侮世，陶令合辭官。客路青陽逼，歸心白髮寬。  
江城消雪送，春鴈倚舟看。自此茫茫去，都門昨挂冠。

江州雨

潯陽困李白，吾寓亦江州。地轉濤聲逆，城空山氣流。  
二儀風雨積，雙鬢古今愁。去鳥衝烟白，偏迎故國眸。

霽

日霽催江色，心攀作楚氓。寒帷二載過，歸劍五湖情。  
霜換湓溪葛，林遷栗里鶯。忍看復新月，廬岳夜猿鳴。  
七夕宜城野泊逢立秋

漢江天上水，牛女世間宵。自動鼉鼉影，誰傳烏鵲橋。

孤城古塞月，一葉楚門潮。君看西流火，分明奪斗杓。

撥悶覃園

秦客楚山北，秋園古堞西。野風吟萬木，禾徑臥孤麕。



江漢歸舟迥關河落日低可留吾便醉爲愛白銅鞮  
野風

山鳴野風至漢水白蕭蕭月澗魚龍醒雲蒸豺虎驕  
有家驚節物不寐想前朝萬古英雄跡江城夜寂寥

早起

炳燭搖囊水開門認楚山風雲慘淡曙天地有無間  
露益他鄉白秋隨老髮還飛來何處鶻逸翮繞江關

繁臺歸集

萬里竟何事三年違此都短牆殘菊在別業古臺孤  
冬日低簷塔霜風靜野蕪但看頭盡白莫恡酒重沽

繁臺歸興

臺榭歸來地江山戰後心城空猶募馬樹在只棲禽  
看岳晴偏近俯河寒更深風沙日日起梁父爲誰吟

正月十日赴吳庄之宴二首

林臥百無事出城緣底希人初正月會春已柳條歸  
就日蛛垂戶開尊蜂坐衣不知農話久天地一斜暉

二

爲赴吳庄飲因成禹廟遊任車驚草綠坐石有雲流  
落日銜春嶠飢鴻集暮洲已扳頻載酒展轉問花丘

早春赴鮑相之飲

憐汝一尊酒要予千古臺年從碧草換暖向玉杯來  
海日連波動江鴻帶雪迴衆賓無處起吾醉欲徘徊



初春飲大道觀因題

日月浮生改山河此殿餘酒因儒彥至春入洞雲虛  
何藥曾祛老求丹尚問書白頭風物裏爛醉是真如

宿江氏庄

黃昏水鶴叫沙頭人跡稀天清看月近野闊帶星微  
客語喧庄犬風燈靜夜扉持醪忽自哂出郭每忘歸

題壁

客到惟雞黍農情愛汝真隔城因下榻墻野合留賓  
騎苑沙明月鞭橋柳弄春忍能辭一醉天地漸風塵

春日余庄感舊二首

圃勝元因主花繁更屬晴醉重今日酒啼變隔年鶯

遇樹每共坐尋香時自行晚看風色異天地一含情

二

名園多感激繼至轉芳菲節恨清明逼人憐故舊稀  
暖烟低野淨雲日度花微莫漫愁春賞吾今已拂衣

雨過

賈誼有  
早雲賦

倚杖河城暮林園雨過清斷絲猶舞燕入葉已沾鶯  
無惜聲連夜何妨坐到明旱雲吾欲賦愴惻爲蒼生

雷電

丁丑年十月十  
三日是日立冬

雷電交冬夜滂沱徹曉聞老夫偏不寐起立迥看雲  
濕重菊垂檻鳴哀鴻赴羣明朝傳太史應有紀祥文

喜雨客會



萬物今逢雨吾堂晚集賓寒聲催電至猛力攪風頻  
坐看水平席歸防泥沒輪沾濡無自苦憫憫是農人

晴

雨好晴亦好灑然詩興新雲分天欲斷日晃地如伸  
濕入紅渠重乾回菜蓀勻趁時樓可上萬里不風塵

曉

北斗脚下地東星明漸高霜初被山岳霞已閃波濤  
塞鴈能羣過隣雞只亂號不眠聊自待紅日上林臯

早起庄上

爲農起常早每與雞鳴期露重花偏得林深鳥自遲  
飛星當面過落月向人隨玉珮金門外遙憐待漏時

庄上晚歸

萬動各有息吾亦念吾棲鴉翅昏猶接花蹊曲欲迷  
茅堂烟火外稚子竹林西自笑忙何事還家每宿雞

新秋夜興二首

微風入枕簟林卧仰看星露氣秋元白天光霽益青  
草虫攢暗壁螢火閃踈樞那解蕭森節都從一葉零

二

猶記初朝歲寧知遽數秋庭梧碧自落晚蕙弱誰留  
門閉人同夜心西火共流間眠亦反側霜露隔松楸

深秋獨夜

獨夕偏聞鴈悠悠寢復興林堂下微月風色暗踈燈



遲暮心難已悲涼氣轉增憂來理琴瑟腸斷舊朱繩  
郊園省水二首

莫辨田園路聊遵水國遊物情真困雨吾道本滄洲  
避濘紆尋徑逢深屢借舟草玄亭好在坐數自來鷗

二

斬木聊供釣當流且着闌雞豚各惆悵鵝鴨爾能寬  
松菊陶元亮江湖陸務觀兼之吾過矣魚鳥鏡中看

余園春日

市居常少出花日復多風萬古繁華地三杯感慨中  
步畦憐小摘攀對惜初紅靄靄微雲外哀哀何處鴻

河上秋興十首

古有蕪葭客吾今水一方茅齋寒淅淅洲渚鬱蒼蒼  
獵騎捎河鴈歸人競野航霜高木葉下莫擬是瀟湘

二

坐送登臨目晴空鳥路長秋雲不近苑官樹自成行  
河洛來天地人烟接渺茫采蘭空澤裏彼美在何鄉

三

日上秋林靜江清旅思微黃葉雨後積白酒客來稀  
今古三川地乾坤一布衣獨行吟望苦沙鳥背人飛

四

名城急鼓吹野處散秋烟衆草莽零落孤松羞自妍  
山川亂明水雲日媚高天何事揚朱子臨岐獨泫然



五  
後代看今代今人即古人空傳歌舞地不見綺羅春  
宋嶽饒寒草梁臺起暮塵蒼茫白鷺渚瀟洒類閑身

六  
白馬瓠子口秋風汾上歌帝鄉不可見千載白雲多  
樹動江帆至雲前塞鴈過滄洲無盡極慷慨有漁蓑

七  
十載宋梁間雞鳴望四關月來天似水雲起樹爲山  
朝市今何處流波去不還高秋未歸客腸斷濁涇灣

八  
一爲梁地客忽及授衣天野靜寒烟白沙鳴暮雨懸  
飛龍過絕浦立馬看長川望望蘋花盡鷗行若箇邊

九  
積雨催搖落江村菊自秋驚風振大壑失鴈下寒流  
暗水斜穿竹孤雲晚抱樓虞卿足簡帙白首傲公侯

十  
不寐傷寒節孤吟繞菊行月沉李家浦雨入宋王城  
颯沓楊柳落斷續寒蛩鳴泛泛中河艇誰知此夜情

間居寡營忽憶關塞之游遂成七首

牢落居庸道蒼茫六載還開軒延漢使對酒話燕山  
鳥道增新戍天梯護上關白城烟火切鎖鑰未應閑



西崦千家落防秋五百兵  
山長元入塞澗曲故穿營  
靜夜聞熊鬪黃昏報虎行  
昔時忤歷覽三駐白洋城

三 沙嶺為黃華東路

沙嶺長園入羊腸宛宛斜  
石危偏駭馬草動數驚蛇  
古樹兼今樹岩花雜澗花  
向來行塞日親見五陵霞

四 是為西路

往年趨北路今繞秦陵西  
晝黑垂蘿密山青禁木齊  
獨僧攀杪出恠鳥趨陰啼  
寂寞黃華堞遙臨古塞溪

五 黃華牙將張桓

孤蓬絕塞口匹馬戍城前  
跨迴烟墩直綠危石棧連  
飛雲下獨石逝水入潮川  
舊對張軍帥題詩醉菊天

六

銀山湯嶺北鐵壁斗門邊  
虎守千年寺人看一線天  
赤崖崩古塔陰洞圻新泉  
尚記漁樵侶長歌過馬前

七 弘治辛酉二月之望宿銀山寺觀鄧隱峰詩刻

春遊臨絕嶠月出臥空岑  
暫逐山中客常關物外心  
三峰藏淨宇百里羨雲林  
崖際劉高隱何時一重尋

夏夜

閣幔霑初霽雲姿淡夕局  
涼蟾輝遠樹昏塹下流螢  
久靜通幽理沉思損性靈  
昔人渾未達白首著玄經

寄書

驛使殘年發家書向夜封  
當衢暫駛裏涉水憶芙蓉



紙短情難盡鄉遙恨易重孤燈遲明發寒月下疎鐘

春宴

白首聞歌異豪心遇酒多酒當花歛灑歌與燕婆娑  
暝色侵臺殿春風換綺羅未須愁薄暮吾借魯陽戈

熊子河西使回三首

是時甘軍殺都御史許銘

偶遇西河使真傳塞上情一春常凍雪千里半荒城  
未斷匈奴臂猶勤哈密征重聞帳下變無語對沾纓

二

絕塞田誰廢甘州稻舊畦荒屯惟見兔破屋不聞雞  
磧石烽烟北祁連戰鼓西平生邊務意一一願封題

三

舊說窮源使人今出武威葡萄應啖足沙棗故推歸  
燧火真樵面胡塵尚黯衣問君春塞鴈曾過玉門飛

汴城東樓夏登二首

身世吾垂老中原北上樓陰陽真去鳥天地本虛舟  
王屋千峰伏黃河一線流晴沙暮浩浩美爾自行鷗

二

危樓六月上樽酒四天開俯看嵩雲動涼疑海雪來  
巒光杯裏見島影檻邊迴不見芒碭氣空深吊古哀

田園雨燕客過三首

車馬人來地田園雨後心頽垣踈柳臥漏屋野花侵  
稼穡悲生事琴樽伴苦吟自無農圃學不敢怨商霖



二  
地下經年雨田乾滿日蒿繞離荒苦竹小架剩葡萄  
闐寂人還至壺觴興並高草途烟欲暝猶遣貫村醪

三

廢塢懽能勝羣游百任爲持竿探乳雀擲石打黃鸝  
落果呼兒拾逢花折自隨黃昏休擬駕郊月已曾期

空同先生集卷第二十七



